

四庫全書

集部

欽定四庫全書

金淵集卷四

元仇遠撰

七言律詩

元夕放夜

繡衣玉節駐江城
放得元宵兩夜晴
陸地金蓮方灑灑
一天明月故盈盈
邏兵酣卧忘鐘韻
遊子歡呼趁鼓聲
兒女看燈歸較晚
老夫自剔讀書檠

憶西坡梅

杖藜久不到西坡苔上梅花積漸多野屋荒涼誰管領
酒尊期會竟蹉跎韶光二月已強半樂事一生能幾何
賴有鄰園春可折洗瓶斜插在行窩

三月二十六日書所聞

從來賽社說金淵鼓笛鉦旗隘市廛地上鬼神行白晝
夜中風雨洗青天妖氣旱魃驅無跡和氣歡聲兆有年
車馬縱觀兒女事老夫閉戶讀韋編

寄陳仲麟

景仁

檣李城邊送客船梅花一別又三年清風朗月思元度
駿馬名姬羨謫仙湖海倦遊予白髮園林真樂子青氊
楚生卜宅平生志歸日相從學力田

予自存博解印歸鄉心日夜相趣古人有名山
川處輒忘歸然歸未易忘也夢得一聯續之

業風宦海足波瀾常憶西湖南北山熟處肯忘生處樂
別時雖易見時難得此二句奉親還舍君先得投檄歸田我
未閒漫說桃源人迹絕故園松菊半荒殘

送張叔夏游金陵

肯向金淵暫泊舟相逢袞袞別方休移宮換羽周郎顧
詠月吟風太白遊

吟風詠月出太白墓銘范傳正作

牀上無金猶好客

尊中有酒可消愁明朝又作臺城客細看青山似洛州

送陳壯甫稅使歸金陵

征商廉幹不言錢異事同寮又一年美譽正香金瀨曲
歸心已在冶城邊家傳簪笏青溪譜風送旌旗上水船
小草相依行有日莫須摻別重淒然

蕭饒州見寄次韻

夜來聽雨夢仇溪
夢覺招邀客賦詩
我自不分官冷熱
子須能別酒淳漓
江頭風順鱸魚到
天外春歸杜宇知
十日菊花元不減
恰如六月見蒲葵

喜晴

新歲連朝喜遇晴
宜人宜穀最關情
郊原尚覺春光薄
市井先傳米價平
趁暖飛蟲生滅易
向陽征鴈去留輕
北門冷掾無公事
閒看官梅野柳爭

題趙千里溪山春遊圖

一溪流水數家村短櫟長松映葦門不是花通輞川口
祇疑路隔武陵源小橋瘦馬行春色遠浦青山帶雨痕
樓觀玲瓏雲縹渺須知畫裏別乾坤

寄武康王居正

曾向清溪采白蘋江東日暮別經春投金瀨上思歸客
淳玉山前憶故人千里雲萍應念我一庭風樹敢忘親
挂蓑石暖苔衣厚擬買漁舟作近隣

寄梁中砥

句曲峯巒翠倚天琳宮瓊館宴神仙水程纔隔一百里
脚債未償三十年幾擬看山携酒去相期聽雨對牀眠
何當撥遣塵間事一試松根喜客泉

寄子埜

西牕隱几讀南華頗悟亡羊與戰蠅住久不知身是客
歸休誰謂女無家向陽野竹先抽筍待雪官梅欲試花
我愛睡鄉真樂地底須頻喫玉川茶

黑兔

何年偷舐元霜鼎
變却蟾宮玉雪姿
毛穎未封先試墨
褐衣乍著便披綯
移來陽谷鳥相對
躍入陰山鬼不知
蹤跡分明予甚愛
正當秋曉月明時

和劉君佐韻寄董靜傳高士

雪暗江湖入暮年
何人葦外小延緣
水痕不動玉平岸
春意欲回花滿天
懶出恐消桐屐蠟
醉吟忘上苧袍船
行當歸學林和靖
結屋梅根伴鶴眠

驚蟄日雷

坤宮半夜一聲雷
蟄戶花房曉已開
野濶風高吹燭滅
電明雨急打牕來
頓然草木精神別
自是寒暄氣候催
惟有石龜并木鴈
守株不動任春回

鴈去

離羣野鴈在中庭
馴養經年羽翼成
因為哀鳴殊可念
豈知飛去太無情
天陰月黑多機阱
歲晚山空少弟兄
願爾水田常飽煖
春風早問北歸程

寄屠存博

三年塵土白鬚眉擬向西湖濯客衣林下杜鵑猶勸去
海邊鷗鳥亦知幾及瓜將得葵邱代存菊須尋栗里歸
見說中山屠博士鄉心也趁白雲飛

再寄子埜

霜力風威各逞強老夫絮被不離牀一貧已幸官將滿
百計無如歸最長別後交朋難得信夢中文字不成章
從來心似梅花白莫入東風桃李場

寄鄧善之

幾年不寄子公書
忽向燕南遺鯉魚
天遠地邇歸未得
男婚女嫁事何如
壯遊自致青雲上
漫仕誰憐白髮餘
西浙林泉俱可隱
母忘舊約共閒居

醉聞杜宇

幾日冥迷醉夢中
醒來衣袖裏春風
杜鵑未歇鳥聲碎
芍藥已開花信空
差勝跨驢愁杜老
儘教騎馬笑山公
卑官安得金貂換
尚有杖頭三百銅

北村吳園雨中賞牡丹主人留飲

不謂村園見此花嬌紅數朵眩晴霞可憐國色天香種竟落田夫野老家畧具杯盤供筍蕨已拚杖屨污泥沙莫愁乳鹿銜春去自有蓬蒿盡力遮

官冷

不負平生下澤車宦游卜宅亦村墟家貧累重須千祿
官冷身閒可讀書高柳每聞鶯婉破籬時度竹蕭疎
西南林壑堪娛晚靜看飛雲自卷舒

喜晴復雨

早起方誇甲子晴夜分忽又似盆傾黑雲冉冉連燈暗
白浪滔滔與岸平芹未出泥先有燕花都委地尚無鶯
東橋沙觜多舟楫直下荆溪不待撐

五日

湘魄能傳楚澤芳何如倒載醉襄陽夕陰空照裁葵圃
宿雨難乾打麥場龍去涎留丹井濕燕歸泥落墨池香
枉將黍粽沉蛟窟移與江村餉水荒

雨

才放庚申一日晴天明一日雨如傾烏雲覆地陰陰合
白浪侵田灔灔平屋漏未乾連礎潤橋低欲壓碍舟行
桔槔不是閒家具會聽溪邊鵝鶴鳴

雨坐

梅霖寒似夢秋天風葛淒淒未脫綿金彈落池蘆橘熟
紅帛委地石榴鮮汨羅遺恨空千載瀨水閒居尚一年
蒲酒相邀須徑醉歸尋枕席付高眠

兩年蒲節雨霏微誤我中山采藥期騎馬出門隨所寓
看花酌酒復奚疑量慳未易勝金卮臂弱猶堪繫綵絲
追憶侯家陪宴賜素紈紅葛翠交枝

與子野過永仙觀循西城以歸邂逅李戒甫夕
山西爽詩料滿目子野明發詩來予次韻

壞垣荒逕入蒿萊不惹康衢半點埃賞靜偏憐離筍長
趁涼自引瘦筇來盃餘漱齒呼新茗石上題詩剥古苔
試問依簷雙老榦何如列柏在烏臺

一笑相逢李伯時樹陰匝地綠雲低林梢落日猶餘丈
天下好山多在西我醉欲歸須客送君裝已趣尚鶻啼
明朝定有新詩句且讓溪翁向上題

寓舍在青安門外由是出郊不數里羣山獻狀
如游龍如奔馬如踞虎豹深秀坡陀不一而
足似有招引賦詩之意遂約予野再用韻

西望寬平倦眼開風收雲翳掃煙埃誰能白日捲簾坐
盡看青山排闥來合沓斷岡如引蔓盤陀大石不生苔

此中林壑多仙跡何必吹簫更楚臺

山列瑤簪束不齊過雲舒卷樹高低孟郊李白曾行處
泰華鄉琊盡向西瘦馬自穿幽徑去老鶯猶戀落花啼
豈無厓壁平如削留與詩人醉墨題

和仲祥大風韻

正憂蘊蘊與隆隆怪得連朝起大風酷日從今宜斂暑
大王自古解稱雄中庭老樹吹將折破屋重茅卷已空
可是南溟鷗欲化爰居先避魯門東

非雨非靄勢可乘柔枝弱葉力難勝疾於健將追奔馬
豪似吟仙賦大鵬柱砥潛移黃蟾穴山屏盡啟白雲縢
直須少霽飛廉怒水落圩田穀再登

巫雲九峯

誰割巫山一片雲峯巒羅列比兒孫嵌空自是天生穴
剥蝕無非水漬痕霜削秋清連竹色露腴曉翠及蒲根
九峯九鎖參差似永鎮仇溪第一村

觀雨

雨師殿後疾雷先風捲浮雲似璧綿大點成漚添黑潦
濃陰匝地暗青天崦中暴長彌漫水圩上平沉沮洳田
米直頓增車戽急早推紅日麗金淵

宦海

黃帽棕鞋隱者便青衫槐笏我家傳一生碌碌空多事
六袞駸駸欠二年安樂窩中閒有味溫柔鄉裏老無緣
浮沉宦海終非願早葺山南屋數椽

屠存博教授赴溧水任留飲寓舍

只隔山中一日程
書船暫泊溧陽城
儒冠喜見賢翁季
道眼相看老弟兄
酒量吞江涼更闊
蟬聲送客晚爭鳴
青衫肯為琵琶濕
笑向天涯看月明

寄戚子雲

七不能堪一不成閒
雲自恨出山輕
柳枝駱馬愛心斷
蓆菜鱸魚歸興生
薄宦棲棲留泮水
故人渺渺隔臺城
對牀風雨何時卜
共翦青燈話到明

送張巨川歸崇德

三載金淵入幙賓轉當繁劇轉精神高堂多有承顏樂
巨室都無切齒人此日吏民爭卧轍他時事業繼埋輪
語兒溪上滄浪水有約征衣共浣塵

二十五日東風少定辛丑夜西風再作

東風已掃九衢埃何事飈輪去復回秋信蘋洲涼漸迫
人家蓬戶晝難開低田受水祥禾偃亂石飛空巨木摧
見說長淮旱無雨蜚蝗樂欲渡江來

五月六日晴茵君節卞西仲諸友來泛蒲和韻

端午淒涼雨壓城忽然端午報新晴素衣塵暗行人老
綠樹陰濃曙日明倦眼冥冥渾似霧憂心悄悄只如醒
杞杞薦酒猶堪醉杏子微酸尚帶生

用韻答蕭濟翁

想君不欠買山錢要學騎驢孟浩然拂袖徑行輕萬里
著書直待後千年林泉短褐淒將老齋館孤燈耿不眠
明日履霜何所向大茅峯頂看芝田

答徐恕宣城寄別

懷古潛然老淚流依稀見月喘吳牛客鄉時序留如燕
學舍風波小似舟已恨浮雲無巧夕未知後月可中秋
徐卿忽寄新詩札正倚雙溪疊嶂樓

江陰何仲禮相訪和答

月照空梁幾夢中翩然環佩下天風十年不到澄江上
一櫂能來瀨水東湖海交遊今漸少英豪見識畧相同
舊時東野吟詩處何日携壺酌此翁

答趙源仲

人到中年萬事慵我今况是六旬翁歸心已薄西湖水
餘力重修古泮宮官裏簡書尤可畏案頭筆硯豈無功
邇來士習殊輕惰願與醇儒振義風

交山龍祠禱雨

曉入荒蹊陟斷岡多年廟食白龍王要添溪上半篙水
不遠山中一瓣香灌木雲昏旌旆出高田土渴桔槔忙
莫疑栖隱無深洞且得隨車雨送涼

題王師尹宜晚樓詩

高捲畫簾雨氣寒
螺屏擁髻赴滄灣
去天一握屋上屋
斜日幾重山外山
地展畫圖增暮景
風吹笑語落人間
樓鴉已寂歸雲急
却怪雲猶未得閒

慶孝僧自金陵回虎林

白下長干住幾年
西風入夢即飄然
斷橋梅柳全非舊
古刹鐘魚大勝前
萬里豈宜常作客
一簞且可穩栖禪
滄江東去風波惡
亦欲湖山結數椽

如上人歸問浙中友信

何年駐錫下山中既見匆匆又欲東燕去鴻來俱是客
雲生月落不離空冷泉亭上參吟暢

謂文溪

飛雪岩前哭

老同

謂野翁

方外友朋詢近況為言已作木鷦翁

過介卿溪南隱居

卜宅溪南遠市喧一經教子守田園邵平未老瓜先熟
靖節能閒菊自存無白丁來多釀酒放青山入別開門
朝衣曾侍天香滿得似荷衣帶露痕

悟上人同過史氏隱居

經時少暇出郊游野曠山遙易見秋祇怪朝來多爽氣
似緣我輩是清流荒臺古井平蕪濕斜日西風亂葉愁
莫笑田翁無款待綠菱新摘酒新篤

懷盛元仁

年過耳順欲何如臂膝酸寒齒髮疎千里驅馳還倦矣
數椽卜築合歸與山銜落日誰能繫海漲平田自可鋤
寄語虎林諸道伴江湖處處有鱸魚

秋日懷吾子行

秋高天闊鴈南翔游子愀然思故鄉重陽正當風雨近
三徑故應松菊荒酒酣耳熱狂無益江空目短愁何長
青山在望有晴日我欲振衣千仞岡

七夕

河鼓天孫各老成無愁可解任秋聲癡兒笑月羞眉曲
稚女穿針鬪眼明夜半且分瓜果供天中豈識別離情
未能免俗消光景醉卧西風夢亦清

歲歲今宵乞巧樓疎星如奕月如鉤莫將寒信侵房屋

肯把閒情問女牛兒笑無書空曬腹婦言有酒可澆愁
鵲慵竟失河橋約盡日喳喳古樹頭

題羣仙圖

世代雖殊道不殊衣冠氣貌列仙儒自憐無計攀靈轡
豈意相從入畫圖把袂拍肩歸福地抗塵走俗笑泥塗
苔痕還繞榴皮相風雨東林壁半蕪

永僊觀賞桂劉君佐黃景巖治酒

雙桂崢嶸萬竹間雲枝露粟綴高寒軒窓日日吹香過

冠蓋時時載酒看月裏曾春金杵臼雨餘亂點石碁盤
乘槎仙子清如鶴一曲霓裳舞素鸞

中秋月出復雨有懷葉子文湯明叔

漂濱三度見中秋感歎光陰逐水流常是淳雲妬佳月
不容老子醉高樓鱸香易動張翰興鯨背難追李白游
遙憶詩人豪氣在湖天空闊放扁舟

中秋待月不見

期修覩事在杭州月夕那知常滯留縱有候芭常載酒

惜無李白共登樓蛩催織婦貧非懶雲掩霜娥老似羞
應笑山翁癡守待滿身風露冷紹裘

年年待月引壺觴坐對中庭玉一方靜夜忽驚雲作雨
索居空使客思鄉荒鷄聲續簾花滴蝴蝶夢回巖桂香
何處高樓見山澗快予吹笛據胡床


賞桂

秋來常為桂花忙葉葉西風粟粟涼奎甫宅中開四樹
儒珍園後粲孤芳小山招隱人空老朗月當庭影亦香

可必明年能賞得一觴且醉此花旁

夜聞秋聲

西南振響使人驚未必秋聲作此聲萬騎奔馳鼙鼓動
千夫翻踏桔槔鳴初疑潮汐還疑雨只在山林不在城
人道今年豐稔兆燈前起舞待天明



欽定四庫全書

集部

金淵集卷六

詳校官中書臣徐志晉

侍讀臣孫球覆勘

謄錄監生臣任溥

謄錄監生臣黃鐘

欽定四庫全書

金淵集卷五

元 仇遠 撰

七言律詩

送許君起赴餘干教授二首

君起生荆溪，僑寓錢塘與予。仰角交再世，契

家也。予方倚席漂陽君，起將振鐸于越。同飲

江東水分千里，明月兄弟真情槩見乎。辭

當年而父同吾父，各罄簷金共教兒。可惜兩翁黃壤下

不知二子綠衣時着鞭雖已撞樓破列鼎寧無負米思
千里送君何以贈長歌泮水蓼我詩

蘭佩蓉裳似倦遊東隅雖失尚堪收君騎漱玉亭前馬
我艤投金瀨上舟八品一官俱獨冷兩州千里隔三秋
南溟鯤化君能事甘分西湖侶白鷗

聞金之一鄧牧心葉去文皆羽化山中

獨居學道坐枯禪鹿豕交遊七十年能以幻軀當雨雪
終無虛腹坐神仙平生文字知誰愛老死山林絕可憐

他日錢塘耆舊傳三高宜入畫圖傳

吳成季尊師與其弟元初會于維揚即還金陵

成季寄詩因和

初平兄弟總神仙化石為羊入上天萬里相期雲上下
一江不隔水淵濛對床夜雨吟詩燭歸櫂春風載酒船
此是人生真樂事岸花汀草意無邊

寄吳元初道錄

桃花兩度見青春夢裏元都隔幾塵升斗自憐為客久

舟車每惜寄書頻君如當日陶宏景我亦他時賀季真
東望冶城空戀戀西湖非晚作歸人

中秋月出復雨有懷葉子文湯明叔

三秋此夕恰平分城市人家半閉門正憶紫雲吹玉笛
忽驚皓月照金樽宦情素薄鴻初到詩興方濃雨又昏
不是桂花香自慰倚欄無語易銷魂

明朝

秋風嫋嫋雨瀟瀟兀兀郊居出市遙未欠三盃通大道

且欣九日是明朝籬邊舊菊猶堪摘天末新鴻不可招
莫恨登高無脚力強擣湘竹造山椒

和西仲秋日聞鶯詩

不待風霜剪碧林柳陰忽見一梭金似傳西帝宸遊信
空惹東宮夢覺心暫輶笙歌聊試聽既無桃杏莫須吟
舊交燕子歸何處好倩賓鴻為嗣音

中秋同陳奎甫放舟

尋荷訪桂遠相過載雨仙舟泛綠波老眼已經秋若此

賞心莫問夜如何
金樽檀板逢歡伯
玉宇瓊樓鎖素娥
爭得西風卷雲幕
與君弄月扣舷歌

次日歸舟和南仲

山山渺渺點青螺
古瀨澄澄似絳河
塵世不知秋過半
水鄉但覺月明多
輕舟傲兀魚龍窟
夾岸橫陳早晚禾
一笑躍身煙霧表
醉歸何恤夜行訶

九月八日持螯

趁晴明日擬登高
十里龍山肯憚勞
但願有錢堪對菊

莫愁無手可持螯
蟲官只合辭歸去
鼠腹安能賦老饕
行見白衣人送酒
已拚痛飲讀離騷

九日諸友屏峯上方登高得登字

天借重陽一日晴
因過竹院遠尋僧
翠屏晚對無人共
畫棟朝飛與客登
旋摘菊花浮臘醞
待分貝葉讀秋燈
餘生有暇須行樂
漫向松岡嘆廢陵

九日次程公明韻

風帘獵獵傍簷斜
問酒來投野老家
佳節已逢重九日

東籬未見兩三花
科頭坐石從吹帽
拭眼看山似隔紗
七里岡前歸路闊
月懸破鏡憶秦嘉

追和陳去非宣和甲辰重九韻

世態炎涼不足憂
吾生贏得日優游
九日忽驚楓葉落
百年幾見菊花秋
忘形詩酒新
豐客滿目溪山古
溧州聞道市橋騎馬滑
山公歸醉得無愁

重陽見菊占冬晴上熟

滿城風日釀輕霜
昨夜東籬菊盡黃
正月自非添一閏

此花安得及重陽新鴻遠到愁無信螃蟹中虛怕有芒
濁酒醒來聞吉語晴過冬至兆豐穰

南仲以潘老句約賦

秋聲浩蕩夜淒涼却喜田家熟稻糧千里江湖隨薄宦
滿城風雨近重陽菊花漸拆青青藥桂樹獨飄粟粟香
幸是催租人未至尊前聊為足成章

十日與侯伯用謝元燾諸友汎菊得頭字

西風吹髮冷颼颼賴有多情帽裹頭九日已知成昨夜

綠樽聊復集清流山房霜菊偏能耐客路雲萍故自浮
欲識歲寒心皎潔一方月色十分秋

和胡定甫

安國

幾年野水倚扁舟風雪塵埃暗綺裘齊魯青山恒北望
江湖白鳥共東流杜陵騎馬尋征路李白題詩遍酒樓
文學卑官何足說直須攬轡覓封侯

淡泊相逢古漂州世情客況兩悠悠腐儒都不通人事
冷掾何曾似宦游輕薄成風雖可畏廉勤律已每無愁

他時重會西湖上把酒聯詩日自由

和費廷玉

我昔南徐講席分
知君肥遜白雲村
草深能使芝蘭沒
木落方推竹栢尊
試問上書投魏闕
何如解組守衡門
西風吹醒槐安夢
斜日悠悠半隱垣

笑人狗走鹿斯奔
父子瓜畦手自耘
不願青黃施斷木
且將蒼白看浮雲
山巾聊友華陽鶴
野飯時羹古澗芹
顯宦何如廉賈好
茜危千石薰千斤

史記貨殖傳

和南仲見寄

儒冠誤我欲投簪抱膝聊為隴上吟故里未歸先入夢
新交雖好少知心清光湛湛溪中月遺跡沉沉瀨底金
聞道雪晴豐齊麥行看放犢滿桃林

我本西湖一散人偶來溪上濯烏巾波光綠映臺城柳
山色青回句曲春容舍相親那忍別交情到老願如新
江南天氣偏宜暖滿目東風起麴塵

送程子方歸蜀

薄葺田園漂澤邊
鄉心常夢蜀山川
梨花知幾逢寒食
麥飯誰能灑墓田
矍鑠老翁輕客路
扶攜稚子上江船
東還莫為親朋戀
自古雲安有杜鵑

風雪飄蕭季子裘
大江西泝過荊州
渾家無計歸葱肆
歲晚何人付麥舟
長子應門寬後慮
輕帆入峽及春遊
明年歸趣梅花發
共醉鱸餗舊酒樓

又送程公禮侍父歸蜀用方萬里韻

遠從溧里上潼川
渚宿岩棲約半年
老子情懷原不淺

扁舟風景浩無邊故鄉兵後幾人在明月秋中何處圓
母氏懸懸兄弟望順流及早理歸船

和友人洮湖韻

落日洮湖自放舟詩筒特為寄交遊征夫獨寐難為夜
老我多愁不但秋清興何人聯石鼎虛名無夢到金甌
黃雞白酒田家樂止有躬耕願未酬

呈王元亨僉事

妾無

三槐鬱鬱德之符喜向金淵識大儒早讀父書明體用

風將使指厲蘆隅動搖山嶽威猶在收斂風霜寂似無
人道魯公來辨獄行看霖雨澤焦枯

時秋旱
祈雨

白海青

素禽敏疾出扶餘六翮雙拳膽氣籠海外天鵝能獨擊
雲間俊鶻敢齊驅攫身直上非無見戀主歸來不待呼
渭水鷹揚亦如此好將粉墨寫成圖

秋晚齋居

君子堂西屋數間但能容膝敢求安悄無人迹如深井

慣聽秋聲是冷官繫馬堦前慵夜秣種蔬牆下助朝餐
攜來書卷猶堪讀好共青燈了歲寒

校官既與廟官同胡不移家在泮宮暮四朝三嫌有累
歲糜月費愧無功致身館閣須公等曝背庭除任老翁
却喜北窓新植竹行看玉立向南風

乾坤身世一蘧廬南北東西總可居此去三年韓博士
向來四壁馬相如移文早遣僕徵米欹枕夜聽兒讀書
駕馳乘驄非我事不如醉兀小肩輿

奇字生來識不多莫煩戴酒日相過廊空儘有葉堪掃
門冷渾無雀可羅肯為功名虧道義常因課講費吟哦
苔荒茅屋歸期遠細雨簷花且醉歌

和姜景星

瓦霜磚日合寒晴最愛幽窓遠市聲懶去著書追管葛
閑來讀易玩周程勞心未必能齊物寡欲才堪論養生
著久不神何用卜了知身世遯而亨

開遍梅花臘漸殘又傳新歷歲更端書生愛日惟愁晚

稚子敲冰不怕寒酒壓蟻芻醅可撥詩題蠟紙墨難乾
宦遊得似家居樂一枕三竿夢寐安

和張輔之贈別

倚

夜雨溪頭泊客船簷花溝溜亦涓涓燈前詩酒留三宿
紙上功名付百年寒雁叫霜投木末晴雲扶日出山巔
欲歸苦被微官縛不得相從酌冷泉

方竹杖

勁節稜稜瘦且堅形模界尺出天然山翁甚愛資扶老

村衲無知誤削圓偏稱深衣同此矩漫誇長笛大如椽
有時間為吟詩出徙倚中庭月一磚

授時歷以丁未為一歲

仇山村叟始生辰六袞平頭又見春檢麻今年交一歲
乘槎有日到三神文章翰墨聊從好富貴功名莫認真
且醉市橋新熟酒紅梅花挿白綸巾

一從妻子累心身役役勞勞春復春苦被長貧難擇祿
寧甘漸老不如人廣文冷坐非無飯張翰思歸豈為尊

莫問當初弧矢事
祇今筆硯亦生塵

秋懷和子野

霜紝如月勝吳紗彷彿蟾宮路未賒滌暑自宜斟瑞露
憑虛誰肯乞飛霞荒城蔓草生螢火古瀨西風起浪花
夢裏仇山歸未得竹籬茅屋趁溪斜

自笑酸寒老孟郊厭看俗事聚牛毛故鄉甚愛鱸魚美
冷掾何嫌馬骨高少日宦情原淡泊涼風客鬢轉刀騷
荷衣槐笏徒拘束不似芒鞋白綺袍

陳明遠書塾與蔣平仲張伯成清話

霜晴泛渚狎輕鷗人物欣逢古太邱喬木故家猶昨日
寒花老圃正清秋尊開北海心先醉燭盡西窓話不休
笑我一身閒未得又隨新雨上歸舟

送郭君賢使君赴建德任

天邊久下紫泥書日日東津望使車最愛小兒騎竹馬
也隨迓吏過桐廬良民吐氣心方快宿弊盤根力為鋤
祇恐聲名滿朝著春坊賓客又新除

先朝日近侍明光步武駿駿政事堂玉宇承恩沾湛露
金淵遺愛托甘棠江山此去分風月門戶從來凜雪霜
虎兕梟狐宜歛迹丈夫原不畏豪強

和吳東升

知君豹隱白雲村杖履春風忽過門獨立幸無妻子累
老成喜有典型存冰懸古樹花尤雋雪漲寒江水不渾
冷落十年燈火讀何時窓下約重溫

和子野郊居見寄

知君標格眼前稀暫別令人入夢思鋏有可彈何必嘆
書如肯借本非癡且看平子歸田賦更和淵明述酒詩
我勸山中多種漆收功莫恨十年遲

論心握手到忘形性癖耽詩各瘦生美酒三升差可戀
良田二頃不如耕溪晴正熟眠鷗夢門靜那驚吠犬聲
泉石煙霞能自樂棄予高舉得無情

歸去來兮意趣長幽居遠隔水雲鄉花粘石几吟詩筆
風度溪房煮藥香把酒有時思太白下車何日見元方

雲萍暫聚還分散可是先生鐵石腸

因子洮湖歸釣魚西湖我亦念吾廬途窮但覺知心少
性直由來料事疎愛把琴彈招隱操忍拈筆寫絕交書
人間喜怒須臾事暮四朝三任眾狙

生日和洪山甫見贈韻

嵩

雪雲無罅霽無期勾引春光入泮池師道幸為文學掾
堯夫喜見太平時典衣沽酒從兒笑閉戶吟詩只子知
甚欲相隨強歌舞却憐多病覺衰遲

初冬郊行

喜間穎弟與坡兄
趁小春晴野外行
獨樹荒村生處僻
落霞孤鶩去邊明
幽風酒食歸田樂
韶部墳篳打稻聲
從此廣文差飯足
素餐祇愧老農耕

懶向南園拜石兄
肯尋村叟傍溪行
黃雲覆畝金穰熟
白露橫江紅葉明
彭澤歸來辭內景
康衢擊壤曲中聲
一丁不識多牛者
應笑書田事筆耕

公退曝日

公退無營懶讀書出門佳客費招呼閒搔短髮身將老
獨坐長簷日未晡溪女賣魚隨市價村夫騎馬納官租
勞生役役知何益却笑今吾即故吾

雪晴

臘尾春頭半月期寒欺人日雪銷遲纔升晴旭扶桑樹
便拂東風細柳枝和氣滿城真可掬豐年擊壤已先知
侏儒溫飽皇天賜行續中和樂職詩

至日用張伯舉韻

博士無氊卧冷齋有朋喜自遠方來臘前一信春先到
隴首數枝梅已開少忍年荒須辟穀尚遲酒禁且銜盃
山中茅屋不歸去空想秋風暗綠苔

至日懷羅國賓

官冷誰能送酒錢江鄉節物倍蕭然容顏一日老一日
人事一年經一年野僕竹輿侵曉出病妻布被抱愁眠
甘心歸隱青蟲下閒共殘農理廢田

羣陰剥盡一陽回霜日烘晴宿霧開閉戶讀書差自樂

載肴問字莫須來
榮枯易了觀芸草
冷暖相忘付酒盃
得似山居酬應少
晝長閒坐看寒梅

潤州許使君寄餉新釀以流金牋為贊且供詩

藁

浮玉乘壺香似桂
流金方絮滑如苔
報投且致相思意
酬唱須尋應猝才
昔在上都唱和皆不移刻
君喜旌幢開使府
我貪花竹作春臺
明年準擬游招隱
莫放遮山繡幕來

冬日小齋即事

蘆葦周遭舊楮糊就中穴地砌磚爐儒酸官冷渾相稱
草卧龜眠本不拘窓外十分西日照簾間半點北風無
一瓶雪水煎茶熟清氣真能壓武夫

君子堂小集

樂歲欣逢節序新公堂稱兕集嘉賓衣冠尚想江東舊
芹藻初回泮水春無事聊為文字飲相看總是老成人
且須飽喫圭田飯朝市山林各致身

歲晏遷居

借榻青安恰一年年窮何事復謀遷官閒空綰文章印
水淺難移書畫船稚子歡呼新入屋老夫嘆息早歸田
人生聚散如鳬雁極目江湖萬里天

子野雪後寄和却寄廷玉

淵明白髮滿頭生肯賦閒情未老成自笑冷官租屋住
每因來使出郊迎橫經空忝先生號解印仍呼處士名
惟有溪干隱君子知予的的願歸耕

琴書筆硯伴閒身斗室依然不覺貧野犬自來能吠雪

土牛此去且迎春一氊輶轉食無絮四壁淒涼甌有塵
昨夜東風先破凍江梅冷眼笑何人

平明跨馬晚方歸偃仰行窩早見幾餘子祇宜牀下卧
詩人頓覺眼中稀堂堂白璧埋黃壤冉冉緇塵染素衣
得酒便須開口笑雪畦紫芋勝秋肥

素琴掛壁已多時政爾難逢鍾子期腹有精神方學道
面無塵土始言詩山童隔壁沽村醞田叟登門送墓碑
小市饑氓爭糴米青州太守可能知

至後

凭高欲驗曉雲黃東際紅光見太陽便覺池芹春灑灑
俄驚簷竹畫琅琅君師百拜恩難報文史三冬志未償
吾道千鈞懸一縷願同繡線日添長

陽和昨夜到梅邊喜得春風一信傳同舍團欒齊賀歲
異鄉飄泊又經年夢中歸路忘舟楫客裏生涯倚俸錢
紙帳布衾差穩睡不愁獨冷坐無憊

霜華如雪著烏巾染鬢粘鬚白未勻人羨久生趨老境

日隨長至到新春投金瀨上能容我貢玉堂中自有人
漂酒清醇魚菜美不妨頻日宴嘉賓

了知五十九年非景薄崦嵫合見幾夜半雖當泉脉動
臘前未見雪花飛客程鴻雁駿駿老家養雞豚處處肥
千日及瓜今過半未知何日定言歸

歲窮早睡

驥尾流光不可追山中小草合知非臘餘四日春先到
官滿三年客早歸暗雨隨風茅屋漏荒城爭米燎盆稀

明朝又赴公筵賀燈下醒眠懶解衣

十一月十六日學宮對酒

客况冬晴足自寬招邀春意入毫端浮雲蔽日俄生暝
急雨隨風故作寒詩酒相尋忘爾汝古今難必是悲歡
茫茫山嶽蘧蘧夢不了梅花冷眼看

衰年

衰年六十喜平頭微祿虛名老可羞自笑一生同蝨蝧
了知萬事等蜉蝣寡懼元亮須歸去老病相如已倦遊

只憶西湖春漲綠柳邊雪外艤蘭舟

送湯希賢晦庵書院山長

文公闕里女星源手澤遺書尚有傳精舍三年常作主
脩程千里若登仙青衫槐笏存家譜練帶花屏擁客船
故老或詢予出處為言索米向金淵

與李孔言上舍談星命

辟雍人物已無多奈此江湖落拓何鶴表只宜歸井邑
雁程不必度關河詩書志氣存司馬言語功名付祝鮀

炙轆談天非我事雨燈聊和醉時歌

游士

游士登門索裹糧塵埃冉冉化衣裳老夫也自飯不飽
童子聊沽酒共嘗彼此身謀寧枉道古今樂事是歸鄉
家徒四壁侯千戶夢裏誰能較短長

歲除志喜

郊居守歲若為情一歲中間百事經建業長男方入拜
桐江小女又歸寧蒙頭被暖先高卧婪尾盃空且獨醒

席上梅花開勝雪寒香儘足慰飄零

除夕前一日雪

江城臘盡漸春來三白呈祥不待催和氣已知隨處滿
梅花正用此時開寒香冷艷相呑吐月斧風斤巧剪裁
布絮寢衣烘未透爐邊酒熟且對盃

呈王直卿御史

金淵寶地閱金經朝夕追隨馳馬行激濁揚清真御史
即溫聽厲老先生衣冠文物今無幾車笠交遊最有情

早願明時相司馬他年洛社會耆英

欽定四庫全書

金淵集卷六

元 仇遠 撰

五言絕句

小齋四花

父納護春香橫枝偃霜月絕憐玉妃面化作鐵漢骨

右梅

翠翹玉搔頭湘妃赴蓬島如何譖驢人不收此香草

右水仙

晶晶雪前黃矯矯霜下傑秋香寧可衰相與全晚節

右菊

別作一家春故晚已禾黍黃香從何來誰為東風主

右蠟梅

題扇

溪山隔岸好風雨過橋危何似高樓上停雲且賦詩

程公

明

茂樹坐終日水流心不競誰識山中居萬動歸一靜

平

叔

泉急喧溪碓山深怯瘦驢翟湯如肯隱來此卜幽居

翟益

之

紅紫委塵土綠窓清晝長安知兩三竹風已作秋涼郎

韋

欹枕聞春雨閉門見綠陰可人歌扇底猶有惜春心

張德遠

遠

題趙希賢所藏墨竹

一竿千百葉鳳尾翠交加曾向僂壇種和風掃落花
新梢霧如沐斷節霜不枯西牕夕陽下此君何可無
謝家庭下玉化此青琅玕風標夐不俗誰謂骨相寒
直節劣獻角低枝鸞振羽古色鎮蒼然非煙亦非雨

題畫竹

誰謂籜籜竿乃不如勁草北風動地來直節未易倒
淨洗碧娟娟顏色如少年窓前風收雨階下筍行鞭
直節老欲枯初篁瘦而勁祖孫知幾傳不改君子性

新筍籜半含節下粉猶綠指日南風來吹作階庭玉

五更

僕云月未落或謂夜過半曉眠我正濃漫漫何時旦
一雞一雞鳴夢覺天未曉誰較夜短長我睡不可少
山寺鐘未鳴城樓角已奏角聲正可聽欹枕續殘漏
月轉參旗橫梅花夢方熟羅浮山忽來毋乃地脉縮
杭城打六更市樓已攢點流年莫催人老色將冉冉
丑夜方向寅被衾冷如鐵江南貧者多奈此霜加雪

愁多怯長夜况乃衆病歸何待六十年老矣當知非
雁鳴鶴亦鳴不待雞戒旦平生善利心一鳴思過半
宰相當此時已入侍漏院我輩獨何人擁被猶困倦
爐藏火尚紅雪映窓已白夢遊無色界不知身是客

枕上

雞鳴夜過半霜氣入孤衾歲時將脫屣鄰家方擣砧
出門雞一鳴僕馬蹋曉凍豈知牧牛兒正作維魚夢
一官振饑荒一官覆水旱州里多應酬田家少愁嘆

七言絕句

三學士圖

李紳能歌詩穆宗召為學士與李德裕元稹
同在禁署時稱三俊情意相善文宗時召兵
部尚書王起禮部尚書許康佐為侍講學士
中書舍人柳公權為侍書學士每有疑義即
召入便殿顧問謂之三學士恩寵異等今所
畫不知何人予將叩之舜舉之徒

三賢品坐一枰棋日永官閒對紫薇好袖玉堂揮翰手
不爭勝負是知幾

自笑

謁客登門不敢嗔強顏應接暫時親一官本自如冰冷
更有依冰借暖人

正月辛酉大雪三首

纊紛萬片打窓來暮趁斜風舞却回可怪今春寒特甚
梅花一半未曾開

酒樓柳絮白紛如帶雨隨風密又疎萬景天全羣動息
玉堂人老卧茅廬

從來春雪有人嫌六出雖工亦漫然客舍無氈渾可事
爐無薪炭褐無綿

閏正月十三日夜雪

東風散雪亂如麻擲瓦敲窓細撒沙只恐市中新米貴
不愁江上落梅花

花竹圖

梅癯竹潤楚蘭馨相約凌波作四清最愛此君秋一片

湘江煙水曉初晴

倦繡圖

花殘院靜晝陰長因思曹騰下繡床肯信村中蓬鬢女

夜燈辛苦織機忙

書齋壁

苔色排簷綠上階詵詵衿佩集虛齋耳根厭聽閒風雨

惟有讀書聲最佳

風收細雨斷梅天晝永身閒但欲眠木枕桃笙真有味
廣文不用歎無羶

早赴東寺行香詩

衝風冒雨過南橋馬上聞鐘覺寺遙客髮頃驚秋信早
飛蓬落葉兩蕭蕭

喜晴

一簾遲日忽開晴側近園池得散行儘勝草堂窮處士
有花有酒作清明

東郊少步

高低遠近樹陰濃杖屨閒行萬綠中一片殘紅無覓處
却疑身在碧紗籠

野風吹樹廟門開神象凝塵壁擁苔笑爾不能為禍福
村人誰送紙錢來

寒食雨三首

山色空濛寒食雨楊花零亂漂陽樓老人豈有傷春事
酒後情懷似感秋

監官州牧趣修園里正喧呼急報饑店舍無煙雞犬靜
山村桃李已空枝

梨花白白柳條青閑閣焚香奈雨聲聞道清明明日是
江南風土只宜晴

讀陳去非九日詩

憶得甲辰重九日宣和遺恨幾番秋蔣陵依舊西風在
一度黃花一度愁

秣陵

鑿山疏水出長江王氣如何可厭禳後五百年依舊在
空教晉帝笑秦皇

龜脊羊腸九里汀荒花燦燦麥青青此生不踏江東道
將謂金陵即秣陵

清正庵

葬秦梓幼女嗣華處

秦女吹簫躡綵霞孤瑩幽館掩梨花龍盤金寫崇真字
猶是寧王賜嗣華

猿圖

天竺寒泉夜月明洞深曾聽兩三聲秋風木葉圖中見
比似前回太瘦生

王母圖

蟠桃結實許誰偷笑作承華殿裏遊紫輦不留青鳥去
小兒空識茂陵秋

題史壽卿二畫

香草何時號水仙翠翹羅襪步蹁躚風標宜作梅花伴
不入離騷亦偶然

少年曾讀在原詩忽見飛鳴傍竹枝憶着江南好兄弟
歲寒風雪欲何之

題吳遠秋塘雙禽

昔年曾聽雪兒歌此日池塘見敗荷寄語鶼鶼春已去
白蘋紅蓼奈秋何

題江貫道雨溪晚釣卷後

雨後滄波泯泯流樵夫歸去有漁舟江郎縮地能如此
何必雙溪疊嶂遊

占風

露立修筠鶴表同戲拈紙帶為占風誰言心動非旛動
我本無心似太空

田上暮歸

兩鬢西風客帽斜晚雲橫嶺月籠沙桑疇屈曲人蹤絕
螢火飛來照稻花

酒邊

儒官冷落似村居蒲艾葵榴色色無却有一尊春釀在

醉眠猶勝楚三閭

端陽正是獨醒時間坐難忘一酒卮有客似憐官况冷

山童日午送戎葵

下園送葵

四皓圖

本為當時國本安白雲滿袖出商顏山中終是通人跡
不似園碁在橘間

題趙信國墨梅後書宋廣平賦

廣平鐵石清便賦信國水墨橫斜枝總是平生和鼎手

更憑誰寫簡齋詩

素衣喜不汚
纏貞女江頭見似人
桃李門牆零落盡
江南猶有一枝春

題李益師謙所藏和靖吟梅圖

瓶挿梅花一兩枝
逋仙隱几自吟詩
北風釀作西湖雪
不顧山童凍得癡

寄周吉卿

慶孫

采菊籬根藥尚青
開門稚子喜新晴
笑翁錯料人間事

風雨如何不滿城

四壁寒蛩已可憐一庭風露轉淒然杜陵便是歸來早
也有荒閒負郭田

日日言歸未得歸翻令兒女笑寒饑而今已覺歸非遠
為報山猿野鶴知

東觀徐鍊師松隱丹房

景昭

仙館幽深竹覆牆風傳石鼎煮茶香門前老樹高如蓋
乞與樵夫話晚涼

蘓仙行部溧州時曾賦黃冠白鳥詩八十鍊師猶健在
自鋤松下取苓芝

晚晴

濃雲忽雨散秋聲屋壁斜捎溝澗盈一陣西南風截斷
月華且讓夕陽明

寄京口諸友

郡邑山川我舊遊歸舟千里十年秋相逢若問村翁信
貞女沙頭狎白鷗

思歸寄張仲達崔進之

淅淅秋風吹葛衣
新寒已到讀書帷
宦情客況俱牢落
不為鱸魚也合歸

不為鱸魚也合歸
山中雞黍正秋肥
東籬菊在家來好
莫學淵明較是非

書齋

穀雨宜晴花亂開
一壺春色聚書齋
園林此後無車馬
竹杖芒鞋政自佳

宿范諱卿書房

子順

蕙雪銷遲氣壓燈偶然素被共姜肱老來頓悟妻兒累却羨山中有髮僧

雁多

雁聲多處水瀾茫西滌東湖足稻梁纔過蘆汀好棲宿幾曾一一到瀟湘

偶作寄李良甫

閒官長日無公事靜室焚香讀好書飲水飯蔬差可樂

妻兒休嘆食無魚

山中有雲難寄君
庭下鳴蛙殊聒人
他時尋我江湖上
不是元真即李真

寄周吉卿

慶孫

閒居偏愛十日菊
歸計何資三月糧
肉食不煩憂菜色
田家粳稻已炊香

懷土懷居小丈夫
首邱祇覺老心孤
須營浙右歸耕地

五福星明正照吳

老來足力覺全衰
一日山行兩日疲
歸去蹇驢須買得
山中出入不嫌遲

偶見

詩人作事例迂疎
纔見佳山擬卜居
湖海歸來餘一鍊
買山生計竟何如

詩囊劍術走風塵
要買桑麻二頃春
可笑田連阡陌者
元非識字讀書人

贈珪上人

一塵不染俗難干百事無能心自閒我道老僧癡未絕
有時采菊見南山

山寺雪行圖送遠上人歸

萬壑千林鎖暮寒瘦驢踏雪入禪關流澌滿澗泥橋滑
少待春晴却出山

題五牧蔣氏所藏閻次平小景

綠蕪紅葉照秋明白雁孤飛我獨行誰識草堂窮杜老
江南江北正關情

題湯松年畫卷

貌得人間真乘黃
曹將軍後有韋郎
奚官牽挽猶西望
似憶春風苜蓿長

紫蠟團心粟玉鬆茶
靡香色似同宗因思弄
蕡攀條處
花刺勾人曉露濃

溧水道中

步屩春風白馬橋
車溝泥滑路迢遙
眼前未識千紅紫
但見新黃上柳條

五峯合沓擁東廬。泉落芳塘旱不枯。空鑿秦淮三百里。
六朝王氣幾曾無。

中秋客中

帆落西江下。淛河漂陽酒。賤醉亡何月。明正照山公影。
自覺今年白髮多。

浪洋舟中

輕舟十里過溪莊。桑棗成陰柳着行。不見玉山嵇叔夜。
西風低草見斜陽。

和岳國華

落魄居塵迥出塵丹房芝術自生春
瓊州太守名家子不是尋常賣藥人

廣文飯少覬生塵老去衰顏酒借春吟癖何曾醫不得
古來清瘦是詩人

倚月

大江東去月分明烏鵲南飛露氣清如此嬋娟人不愛
倚樓獨立過三更

月上

月到東牕夜正中人間天上廣寒宮蚊蟲血食三千國
盡被西風一掃空

題煙竹圖

楚山晴雨未分明淡鎖蒼筠曉更清渾是一江秋色染
只疑無處著秋聲

憶家石章氏女子

湖樹江雲隔杳冥千峰萬壑夢中青懸知茅屋孤燈下

逐字教兒讀孝經

題孟浩然圖

風吹衿帽不知寒
欸段奚奴凍亦頑
縮項鯿魚無可釣

歸鞭遙指鹿門山

立冬即事二首

細雨生寒未有霜
庭前木葉半青黃
小春此去無多日
何處梅花一綻香

淒風浩蕩散茶煙
小雨霏微濕座氊
肯信今年寒信早

老夫布褐未裝綿

送客湖橋

赤葉岡頭送客行
峰回路轉石橋橫
小春天氣晴偏好
禾稼新收麥又耕

別酒離歌送馬蹄
歸鞍斜日故遲遲
小兒拍手山翁醉
江左風流一晉時

題畫

紛紛鷄鶩一冥鴻
全放全收旦暮同
各為稻粱飛不起

偶然相聚小池中

天上高飛地上行終難萬里附鵬程鷺鷺股肉無人割
老守菰蒲過一生

野籬

豆花小白槿花紅野屋籬門處處同無限春風桃李占
却將顏色媚秋風

二馬圖

平生自比九方臯牝牡驪黃骨相高寄語金臺求駿者

精神元不在皮毛

紀事

圩田平沒石田枯秋暑如蒸雨竟無六十年前曾記得

步行一直過西湖

淳祐丁未亦
旱子始生

龍君鼎鼎出雲闕分祀仙宮佛刹間兩月更無涓滴雨
問君何日可還山

柴扉深閉百蟲秋落葉幽花露未收野僻了無雞報曉
啟明星在樹梢頭

馬斃三首

曉廸驚呼我馬瘖
塞翁一笑欲何如
西郊或有閒迎送
却向東家借蹇驢

苦無馳驟但加餐
馬性由來不耐閒
官滿馬亡歸去好
且騎白犢看青山

我無筋力汝難騎
埋汝郊原有敝帷
二尺箇輿元自穩
不勞鞭策強驅馳

鄰家曉雞

嚴城鼓角送鐘聲
頃刻三更四五更
却是鄰家雞唱準
不差消息已天明

憶桐廬二女

子女生來願有家
耕桑隨分各生涯
誰知我輩鍾情處
看過桃花看藕花

冲真庵詩

洞房深鎖老雙成
門徑幽修石沼清
萬紫千紅秋已盡
眼中黃菊最分明

落桂

養成花魄是輕陰風露淒淒已滿林到底難磨秋富貴
一庭香粟萬黃金

冬夜和陳道士韻

焚香讀易樂閒居參訂先天太極圖人道三分程氏傳
較他漢上有差殊

聞道孤根暖已回扶筇攜酒出來數花羞澀西坡上
也當春風一度開

石銚溪芽活火烹旋燒敗葉帶枯藤路遙難遞中瀦水
且試梅花澗底冰

三白先春慰客情瑤林照耀夜窓明淺斟低唱癡兒女
那得工夫問雪聲

多雨詩

菜色青肥麥漸黃雨多泥滑野畦荒官田昨夜方車水
早起看來又渺茫

自嘆

休言五十九年非本自無知底用疑已徃方來俱夢境
是非元不較毫釐

言懷

辛苦移家向溧州微官祇為斗升謀尋思終是西湖好
日與山僧野老遊

奉溪半日到杭城溪外青山喜送迎結屋臨溪差易事

買山無計若為情

武康

湖光門外草連空萬壑千崖紫翠叢縱未便能營隱墅

也須先畫作屏風

餘杭縣南

白嶺溪上野田平黃隴山前竹樹清已許數椽容小住

餘英愛我愛餘英

德清縣北

故家喬木盡邱墟筍石猶存十數株誰有挾山超海力
為分雲片過西湖

州南故趙忠靖丞相宅

此地曾經李白遊湖山消得好詩留兩橋十里東西市
只欠春風一酒樓

溧尉唐時本小官詩人爭笑孟酸寒我來莫道儒官冷

今古酸寒只一般

隔岸修筠拂細瀾風香雨色畫陰寒遙知新買栖霞地

坡上應添竹數竿

去年新得西湖
北山地多有竹

馬蹄赤日走紅塵汗濕林宗折角巾輸與夷山班博士
深衣脫却作閒人

